



PETRIANUM FORUM
(meridiano tempore)

Incubuit media caeli sol celsus in arce,
Atque umbras rerum reddidit exiguas.

Augustam in Templi frontem pilasque tholumque
Almae quot lucis clara fluenta ruunt!

Ecce peristylum, fontes aedesque renident:
Lucis turba loquax oscula laeta bibit.

Omnia quae video rutilo nunc lumine fulgent:
Cuncta salutatum spicula solis eunt.

Te complectantur tales, Ecclesia, flammae;
Totaque sidereis ignibus eniteas.

IOSEPH DEL TON